

Universitätsbibliothek Paderborn

**Io. Francisci Leonis Eporediensis I. V. D. Episcopi
Thelesini Thesaurus Fori Ecclesiastici**

Leoni, Giovanni Francesco

Coloniae Agrippinae, 1682

29 Ecclesia divae Mariae in agro Montis Regalis apud Vicum, quando
fundari cooperit.

urn:nbn:de:hbz:466:1-10316

consuetudo, qua laici præstendere possint ecclesiasticum oblationes, *ead. 10. q. 1.* & Rebuff. *ead. q. 1. num. 26.* & consuetudo contra libertatem ecclesiasticam nō est servanda *cap. nō rorit, ext. de sent. ex comm.*

Bart. *in auth. hoc jus porrectum, num. 18.*
de sacro sanct. Eccles. & Rot. de vis. 3. n. 4.

Vnde consuet. in antiqu. possunt tamen ex causa dari laicis oblationes ad ecclesiæ reparationem, vel aliquem alium honestum usum, & ad tempus salvo jure ecclesiæ, ita quod nullum jus per similem concessione eisdem in præjudicium ecclesiæ acquiratur. *Præpot. in c. aliae, 1. q. 3.* & Rebuff. *ead. q. 1. num. 28.*

26 Eadem t ratione, si frant oblationes imagini depictæ in muro privato domus laicalis, dominus illius domus illas perciperenon potest, quia regulariter cedunt ecclesiæ parochiali, & ita sæpe in facto interrogatus respondisse testatur Abb. *in c. pastoralis, num. 2. de his quæ si à maj. part. cap. & post. Ant. de Butr. idem Abb. in rubr. de paroch. num. 2.* & Rebuff. *ead. q. 2. num. 29.*

27 Fallit tamen regula, si in locis, in quibus aperiuntur miracula, vel magna moverit devotio, maximo cum concurso populi concurrant oblationes notabilis quantitatis, & valoris, ut de anno 1580, dum in urbe agerem, t evenit, de imagine Divæ Mariæ depictæ in quadam domuncula ad usum scenilis redacta, cui, & si scenum plena domuncula reponeretur, tamen relatum fuit, quod nunquam habebat dictæ imagini, sed semper distans ab imagine repetiebatur, quo detecto, cœpit populus Romanus ad orandum in eodem loco confluere, & oblationes maximas deferre, quibus, & aliis eleemosynis ad parie-

tem à piis virtutis elargitis decens ecclesia in eodem loco sub titulo, S. Marie i^a montibus, fuit ædificata, quæ adhuc maxima in devotione, & veneratione habetur.

Quod quidem non modò omni memoria dignum, sed & maxima admiratio ne omni sæculo recolendum t anno 1595. in agro Montisregalis provinciæ Taurinensis ad Vici oppidulum etiam contigit. Ubi ad venerandam ejusdem Deiparæ Virginis imaginem, quadam rudi, vetustaque lateritia columnæ depictam, apertis, & ubique propagatis miraculis, tam copiosus populorum concursus undeque accedit; ut plerique ne vallis illa quidem, in cuius medio stat sacra columnæ, supplicationum virotam, ac mulierum sodalitates, que à Provinciis non paucorum dierum viam distantibus profectæ fuerant, vix capere posset. Primo urbs ipsa non tam nobilissima, quam religiosissima, visis certissimis cœlestium operationum indicis, locum ipsum communibus, frequentissimisq; supplicationibus devote, sanctèq; venerata fuit. Post, audita rei fama, à celeberrima Genuensem urbe, maritimisq; locis Ligustici maris tot confluxere, quas vocant, confraternites, tantaque puerorum, virginumque examina commicarunt, ut omnes rem tantam suspicerent, divinumque opus maximè mirarentur. Unde factum fuit, ut ignobilis locus, & qui, (quantum ad sacram columnam attinet, cui spinæ vepresque circùm inhærebant) derelictui habebatur, paucissimis diebus factus sit celebratissimus, ac veneranda maiestate, divinisque bonis, suprà, quam credi possit, aberrimus. Ab Insubribus religiosa agmina, longum iter nihil pensi habentia,

habentia, facies omnes induiti, pio ordine procedebant; è Sabaudia, Burgundia, Galliaque Narbonensi non modo confratrum sancta sodalitia, sed & multi primatum comitatus ad venerabilem imaginam convenere. Totos dies, totasque noctes universus urbis illius ager indefessis misericordiam à Deo implorantium vocibus ubique resonabat, precationum, supplicationumque cantus diu, ac noctu per proximos agros, ac colles (omnibus enim ad ædicularam præ nimia multitudo aditus minimè patebat) ad ipsa sydera ferebantur. Plangentium, divamque Virginem invocantium fletus ad ipsam supremi patris sedem penetrabat. Ibi dissidentium animi divino instinctu per se conciliabantur, veteres ibi similitates quisque sponte deponebat, offendæ, nullo cogente, nec hortante, invicem condonabantur. Qui capitales inimicitias, diraque odia diu mutuo exercuerant, prompto spiritu, contrito vultu, profusisque lacrymis lœse in osnium conspectu amplexabantur: fera demum eorum corda, qui neicum sacram illam effigiem viderant percepto domiterum nuncio, sic residebant, ut è tigribus agnos factos esse diceres: quam plures sicarii, alijque viatum obsecratores, projectis armis omnibus, nudis pedibus, detecto capite, rosarii, aliavè corona solùm arrepta ad divam Virginem lugentes properabant, scelera sacramentali medicina ad confessarii pedes magna contritione purgaturi, claudi, cæci, muti, alii que corpore variè affecti ad pristinum statum fuere Virginis ope restituti. Mira ibi in horas, nedum in dies, ut pleniùs impresa paginae testantur, ipsis oculis cernebantur opera, manifestaq; etiam modò sum-

mi patris beatà Virgine, (ut piè credendum est) intercedente operationes è celo ibi elucescunt. Nec hic, quod omnibus abundè notum est, addendum puto; quo studio, qua diligentia, quovè numero Pedemontanæ, Ligurumque gentes sacram vallem nudis pedibus frequentarint, ac ad tantum Virginis nomine precibus assidui fuerint: ipsi enim, quod loci vicinitas celesti favore, ac beneficio commodius illis iter præberet, majori sanctitate, pietate, ac frequentia ad sacratissimum Virginis simulacrum maturabant, admissoꝝ remissionem solicite postulantes. Nec satis illis erat semel Virginis iconem vidisse, semelque criminum veniam exorasse, sed iterū, tertio, ac plures fanum illud majori salutis aviditate denuò repetebant, nec illinc, quod & aliis contingebat, se divellere poterant. Non ibi deerant sacerdotum chori, non sancta monachorum collegia, qui ab urbe prædicta litaniam facientes identidem progrediebantur, hinc multiplex puerorum ac puellarum numerus, hinc matronarum, heroumque comitatus adventabat; undique tantæ, variaeque vivorum ex improviso aderant catervæ, ut plurimus quemq; stupor invaderet: Non pauci Episcopi, pedestri itinere è suis cathedralibus illuc se miro devotionis exemplo conferebant. ¶ Ipse Carolus Emmanuel admirandæ pietatis, religionisq; Dux optimus, ac fel. reg. Catarina Austriaca, cuius regi nominis memoriam, ac virtutum splendorem nulla ævi unquam est delectura diuturnitas, augustissimi conjuges, semel, iterum, ac tertio sacram ædem oblatis gemmis, aliisque donis ingentibus devoto, humiliique spiritu visitarunt, ac, ut cumulatiore, memorandoꝝ beneficio tam plium locum